



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻ

ք. Երևան

17.05.2019թ.

Ո Ր Ո Շ ՈՒ Մ  
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ  
Թիվ ԱՅ-ԼՕ-2019/27

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի  
Քարտուղարությամբ՝ Ռ. Մկրտչյանի

ՀՀ գնումների հետ կապված բողոքներ քննող անձը (այսուհետ՝ նաև Բողոքներ քննող անձ)՝ ուսումնասիրելով Հայաստանի Հանրապետության ֆինանսների նախարարության կողմից 18.04.2019թ. թիվ 26/26-1/6525-2019 գրությամբ «Արարատ Սողոմոնյան Ալեքսանդրի» Ա/Ձ-ին (այսուհետ՝ նաև Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը,

Պ Ա Ր Զ Ե Ց

**1. ՀՀ ֆինանսների նախարարության ներկայացրած փաստերը և պահանջը.**

ՀՀ ֆինանսների նախարարությունը, ՀՀ տնտեսական զարգացման և ներդրումների նախարարության պետական գույքի կառավարման կոմիտեի 29.03.2019թ. թիվ 04/16.22/2134-19 գրության հիման վրա, 18.04.2019թ. «Արարատ Սողոմոնյան Ալեքսանդրի» Ա/Ձ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

**2. ՀՀ տնտեսական զարգացման և ներդրումների նախարարության պետական գույքի կառավարման կոմիտեի ներկայացրած փաստարկները և դիրքորոշումը.**

ՀՀ տնտեսական զարգացման և ներդրումների նախարարության պետական գույքի կառավարման կոմիտեն 29.03.2019թ. թիվ 04/16.22/2134-19 գրությամբ դիմել է ՀՀ ֆինանսների նախարարությանը՝ հայտնելով հետևյալը.

*«Հիմք ընդունելով ՀՀ կառավարության 04.05.2017թ. «Գնումների գործընթացի կազմակերպման» կարգը հաստատելու մասին թիվ 526-Ն որոշման 49-րդ կետը Ձեզ եմ ներկայացնում ՀՀ ՏՀՆՆ պետական գույքի կառավարման կոմիտեի կարիքների համար շենք-շինությունների չափագրման և հատակագծերի կազմման ծառայությունների ձեռքբերման նպատակով կազմակերպված «ՊԳԿԿ-ԳՀԾՁԲ-2019/2» ծածկագրով գնանշման հարցման ընթացակարգի առաջին և երկրորդ փեղեր զբաղեցրած մասնակիցների՝ «Արարատ Սողոմոնյան Ալեքսանդրի» Ա/Ձ-ի փվյալները /մասնակիցի կողմից «ՊԳԿԿ-ԳՀԾՁԲ-2019/2» ծածկագրով գնման ընթացակարգի գնահատող հանձնաժողովին ներկայացված դիմումները»:*

**3. «Արարատ Սողոմոնյան Ալեքսանդրի» Ա/Ձ-ի ներկայացրած փաստարկները և դիրքորոշումը.**

Բողոքներ քննող անձը 26.04.2019թ. գրությամբ դիմել է «Արարատ Սողոմոնյան Ալեքսանդրի» Ա/Ձ-ին՝ հնարավորություն տալով ՀՀ ֆինանսների նախարարության կողմից 18.04.2019թ. թիվ 26/26-1/6525-2019 գրությամբ նախաձեռնված ընթացակարգի վերաբերյալ ներկայացնել Ընկերության գրավոր կարծիքը, սակայն վերջինիս կողմից որևէ գրավոր կարծիք չի ներկայացվել:

«Արարատ Սողոմոնյան Ալեքսանդրի» Ա/Ձ-ն պատշաճ ծանուցվել է նիստերի օրվա ժամի և վայրի մասին, սակայն ընկերություն կողմից որևէ անձ չի ներկայացել նիստերին՝ չներկայացնելով որևէ այլ ապացույց այն մասին, որ վերջինս չի հրաժարվել պայմանագիր կնքելուց:

**4. US-LO-2019/27 բողոքի քննության համար էական նշանակություն ունեցող փաստերը.**

Սույն գործի փաստերի համաձայն՝

ՀՀ ՏՁՆՆ պետական գույքի կառավարման կոմիտեի կարիքների համար շենք-շինությունների չափագրման և հատակագծերի կազմման ծառայությունների ձեռքբերման նպատակով հայտարարվել է «ՊԳԿԿ-ԳՀԾՁԲ-2019/2» ծածկագրով գնանշման հարցման ընթացակարգ (այսուհետ նաև՝ Ընթացակարգ), որին մասնակցելու նպատակով հայտ է ներկայացրել նաև «Արարատ Սողոմոնյան Ալեքսանդրի» Ա/Ձ-ն:

Ընթացակարգի գնահատող հանձնաժողովի (այսուհետ նաև՝ Հանձնաժողով) 14.02.2019թ. թիվ 2-3.3 արձանագրության համաձայն՝ ընկերության կողմից ներկայացված էլեկտրոնային հայտը համարվել է հետագա գնահատման համար ընդունելի:

Նույն արձանագրությամբ նաև արձանագրվել է, որ «Գնումների մասին» ՀՀ օրենքի և ընթացակարգի հրավերի պահանջներին համապատասխանող գնային առաջարկ են ներկայացրել նաև «Արարատ սողոմոնյան Ալեքսանդրի» Ա/Ձ-ն:

Արձանագրության 2.3.2 կետի համաձայն՝ մասնակիցների գնային առաջարկների հաշվարկման ճշտությունը, ինչպես նաև հաշվարկման թվաբանական ճշտությունները համապատասխանում են:

«Արարատ Սողոմոնյան Ալեքսանդրի» Ա/Ձ-ն 15.02.2019թ. դիմել է Հանձնաժողովին և հայտնել է, որ մասնակցելով Ընթացակարգին թյուրիմացաբար գնային առաջարկում ընդհանուր գնի փոխարեն նշվել է մեկ միավորի արժեքը: Միաժամանակ ընկերությունը խնդրել է հայտերի գնահատումն իրականացնել որպես միավորի գինը բազմապատկված հրավերով նախատեսված ընդհանուր քանակով:

18.02.2019թ. գումարվել է արտահերթ նիստ, որտեղ քննարկվել է «Արարատ Սողոմոնյան Ալեքսանդրի» Ա/Ձ-ի կողմից ներկայացված դիմումը այն մասին, որ թյուրիմացաբար գնային առաջարկում ընդհանուր գումարի փոխարեն նշվել է միավորի արժեքի գումարը և դիմել է հանձնաժողովին, որպեսզի գնային առաջարկը հաշվարկելիս ընդունվի ներկայացված գինը բազմապատկելով հրավերով նախատեսված ընդհանուր քանակին: Սակայն հանձնաժողովը որոշել է մասնակցի գնային առաջարկը ընդունել ոչ թե որպես միավորի արժեք, այլ պայմանագրի կատարման համար համար առաջարկվող ընդհանուր գին:

Հանձնաժողովը որոշել է ներկայացված գնային առաջարկների հիման վրա հաջորդաբար (2-րդ) տեղ զբաղեցնող մասնակից ճանաչել «Արարատ Սողոմոնյան Ալեքսանդրի» Ա/Ձ-ին:

Հանձնաժողովի 27.03.2019թ. թիվ 2-6 արձանագրության համաձայն՝ «ՊԳԿԿ-ԳՀԾՁԲ-2019/2» ծածկագրով ընթացակարգի 1-ին տեղ զբաղեցրած մասնակիցը

պայմանագրի նախագծի ծանուցման հաջորդող 10 աշխատանքային օրվա ընթացքում չի ներկայացրել իր կողմից հաստատված պայմանագրի 2 օրինակը և վճարման պահանջագիրը, իսկ 2-րդ տեղ զբաղեցրած մասնակիցը 22.03.2019թ. սեփական գրավոր դիմումի համաձայն հանձնաժողովին է ներկայացրել իր կողմից պայմանագիր կնքելուց հրաժարվելու որոշման մասին:

##### **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակցությանը, որ ՀՀ ֆինանսների նախարարության կողմից 18.04.2019թ. թիվ 26/26-1/6525-2019 գրությամբ «Արարատ Սոլոմոնյան Ալեքսանդրի» Ա/Ձ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ենթակա է բավարարման հետևյալ պատճառաբանությամբ.

Այսպես՝

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի՝

-1-ին մասի 6-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե որպես ընտրված մասնակից հրաժարվել է պայմանագիր կնքելուց,

- 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 35-րդ հոդվածի 1-ին մասի համաձայն՝ պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում:

Օրենքի 36-րդ հոդվածի 3-րդ մասի համաձայն՝ եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝

10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի՝

- 32-րդ կետի 13-րդ ենթակետի համաձայն՝ հրավերով նախատեսվում է նաև, որ ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով: Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը:

Նույն կետի 14-րդ ենթակետի համաձայն՝ ընտրված մասնակցի կողմից հաստատված պայմանագրի նախագիծը պատվիրատուին ներկայացվում է գրավոր, և դա ներկայացնելու գրությունը հաշվառվում է պատվիրատուի փաստաթղթաշրջանառության համակարգում: Պատվիրատուի ղեկավարի կողմից պայմանագրի նախագիծը հաստատվում է այդ իրավասության առաջացմանը հաջորդող երկու աշխատանքային օրվա ընթացքում,

- 45-րդ կետի համաձայն՝ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում գրավոր տրամադրում է գնումների բողոքարկման խորհրդին:

Բողոքներ քննող անձն արձանագրում է, որ.

ՀՀ ՏՀՆՆ պետական գույքի կառավարման կոմիտեի կարիքների համար շենք-շինությունների չափագրման և հատակագծերի կազմման ծառայությունների ձեռքբերման նպատակով հայտարարված «ՊԳԿԿ-ԳՀԾՁԲ-2019/2» ծածկագրով գնանշման հարցման ընթացակարգին հայտ է ներկայացրել «Արարատ Սողոմոնյան Ալեքսանդրի» Ա/Ձ-ն և Հանձնաժողովի որոշման հիման վրա ճանաչվել է 2-րդ տեղ զբաղեցնող մասնակից:

Ընկերությունը Հանձնաժողովի 27.03.2019թ. թիվ 2-6 արձանագրության համաձայն՝ 22.03.2019թ. սեփական գրավոր դիմումի համաձայն հանձնաժողովին է ներկայացրել իր կողմից պայմանագիր կնքելուց հրաժարվելու որոշման մասին:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում՝ Բողոքներ քննող անձը

հանգում է այն եզրակացության, որ «Արարատ Սողոմոնյան Ալեքսանդրի» Ա/Ձ-ի կողմից որպես հաջորդաբար (2-րդ) տեղ զբաղեցնող մասնակից պայմանագիր կնքելուց հրաժարվելու դեպքը դիտարկվում է որպես Օրենքի 6-րդ հոդվածի 1-ին մասի 6-րդ կետի «բ» ենթակետով նախատեսված խախտում:

Ելնելով վերոգրյալից և ղեկավարվելով «Գնումների մասին» ՀՀ օրենքի 6-րդ հոդվածի 2-րդ մասով, 50-րդ հոդվածի 7-րդ մասի 2-րդ կետով՝ ՀՀ գնումների հետ կապված բողոքներ քննող անձը

## **Ո Ր Ո Շ Ե Ց**

1. ՀՀ ֆինանսների նախարարության կողմից 18.04.2019թ. թիվ 26/26-1/6525-2019 գրությամբ «Արարատ Սողոմոնյան Ալեքսանդրի» Ա/Ձ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել:

2. «Արարատ Սողոմոնյան Ալեքսանդրի» Ա/Ձ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ երկու (2) տարի ժամկետով:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այնտեղեկագրում հրապարակելու հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ գնումների հետ կապված  
բողոքներ քննող անձ՝**



**ԼԵՎՈՆ ՕՍԿԱՆՅԱՆ**